

Kiko ta Sabiduria?

Sabiduria den Hebreo ta nifiká: **abilidad, sabio, sabí, astusia, prudensia, hasi sabí, siña, eduká, instruí sabiduria.**

Den Deuteronomio 1:2 tin skirbi: Di seru di Horeb, siguiendo e kaminda di Seru Seir pa Kades-barnea; ku ta na frontera di Kánaan, ta **un biahe, un kaminata**, di **diesun dia**; tòg **Israel** a tuma **kuarenta aña** pa yega Kánaan. **Israel** tabata **pensa** i **usa** muchu di nan mes **Sabiduria** i tabata poniendo **Dios Tata Su Sabiduria** na di dos lugá. Siguiendo **Nos Señor no ta fásil**, anto e ta bira **hopi mas difísil** ora nos bai **kuminsá meskla, kombiná, konfundí Su Sabiduria** ku nos mes **Sabiduria** (**Salmo 37:3-9**). **Nos Señor** ta **Soberano** i **Su Grasia** ta pa semper i semper.

Den Isaías 1:11 tin skirbi: "Ta kiko ta e propósito di e multitud di bosnan **sakrifisionan, sin sakrifisio** di e **Kurason?**" **Señor** ta bisa "Mi ta hartá di boso **ofrendanan** kimá di chubatu i di e vèt di bestianan gòrda **sin Obediensia**". "Mi no ta deleitá den e sanger di toro machu, lamchi òf kabritu **sin Rektitut**". **Dios Tata** no tin **goso** den nos **fiesta** i **seremonianan bashí**. Ta kon nos por tin un fiesta grandi di boutismo òf risibí òf konformá **sin** nos **Kurason, sin Obediensia, sin Rektitut?** Ora nos bai **kuminsá meskla, kombiná, konfundí Su Sabiduria** ku nos mes **Sabiduria**, kos ta bira mas **pió** na lugá di mas **mihó** (**Deuteronomio 6:5-9**). **Nos Señor** ta **Soberano** i **Su Grasia** ta pa semper i semper.

Den Echonan 9:3 Yeshua, Esun Ungi ta puntra **Sha'ul**: "**Saulo, Saulo, pakiko bo ta persiguí Mi**". **Sha'ul; Saulo, Pablo** tabata un hòmber **sabio**, ku **abilidad** i **astusia** i yen di **prudensia**. **Sha'ul, Pablo** tabata **eduká** den e **Lei (Torah), e mandamentunan, e enseñansa** i tabata **sabio** den e **Lei (di Rabinan)**. **Sha'ul, Pablo** tabata **pensa** i **usa** muchu di su **Sabiduria** i tabata poniendo **Dios Tata Su Sabiduria** na di dos lugá. Ta pa esei **Pablo** tabata kana **persiguí i mata** i tabata **kontra tur hende** ku no tabata **pensa i hasi** manera **Sha'ul** den su **Sabiduria**. Ta meskos awor aki **tur hende ta kontra Israel** (**Salmo 2:1-2**), pasobra **Israel** ta **Dios Tata** su **pretu di wowo, Dios Tata Su promé Amor** (**Génesis 12:3**). Nan ta **kontra Israel** pasobra nan ta **husga** ku nan **Sabiduria**. **Nos Señor** ta **Soberano** i **Su Grasia** ta pa semper i semper.

Kiko ta Sabiduria?

Sabiduria ta **Amor**. **Amor** di **Tata**, no **Amor** di hende pero **Amor berdadero i honesto**. "**Stima SEÑOR bo Dios** ku henter **bo kurason**, i ku henter **bo alma**, i ku tur **bo forsa**, i ku henter **bo mente**; i **bo próhimo** manera **bo mes**." (**Lukas 10:27**). "**Mucha chikitu-nan**, un poko tempu mas **Mi** ta serka boso. Boso lo buska **Mi**; i manera **Mi** a bisa e **hudiunan, Mi** ta bisa boso awor tambe: 'Kaminda **Ami** ta bai, boso no por bin. **Un mandamentu** nobo **Mi** ta duna boso, pa boso **stima otro**, i meskos ku **Ami** a **stima boso**, pa **boso tambe stima otro**. Na esaki tur hende lo sa ku boso ta **Mi disipel**, si **boso tin amor un pa otro**." (**Juan 13:33-35**). **Amor** ta tur kos, si bo **no tin Amor**, bo **no tin nada** (**1 Korintionan 13:1-13**).

Kiko ta Sabiduria?

Di unda e lugá di **Inteligensia** ta bini? (**Job 28:20**). **Dios** ta komprendé **Sabiduria**, **Inteligensia** i e lugá di **Sabiduria**, **Inteligensia** pasobra **Sabiduria ta solamente serka Dios Tata** (**Job 28:23**).

Kiko ta Sabiduria di Dios Tata?

Sabiduria di Dios Tata ta den **Obediensia**. **Obediensia** na **Dios Tata**, **Obediensia** na **Esun Ungi**, no **Obediensia sin Kurason**, **sin Rektitut**. **Obediensia puru i sano** di **Kurason**. **Abraham** tabata sa ku maske e **mata** su **úniko yu**, e **yu di su herensia**, **Dios Tata** lo a lanta **Isaak** for di **morto**; **Abraham** a **Obedesé** (**Génesis 22:1-19**). **Moisés** tabata **siña** i **sabí**, pero **Moisés** a **Obedesé** (**Éksodo 3:3-6**). Asta **Esun Ungi** a **Obedesé** i a bisa: "No manera **Ami kièr**, ma manera **Abo kièr**" (**Mateo 26:39**). "No **Mi boluntad**, ma semper **Bo boluntad sosodé**" (**Lukas 22:42**). **Obediensia** na **Dios Tata**, ta e **Sabiduria di Dios Tata**.

Dor di **ignoransia òf duresa di kurason; kabesura òf sinti nan ofendí; tumamentu di ofensa**; nan **Obediensia** na hende a **remplásá, interkambiá òf afektá** e **Relashon personal** ku **Dios Tata òf Esun Ungi**, di manera ku e **Sabiduria di Dios Tata** no por **trese** e **Berdad di Dios Tata su Lei (Torah)**, e **Berdad di Dios Tata su Deseonan**, e **Bèrdad di Dios Tata su mandamentunan**, e **Bèrdad di Dios Tata su Enseñansa**.

Ta **ún Dios Tata** tin. Ta **ún** kurpa di **kreyente** tin. Ta **ún Spiritu Santu** tin. Ta **ún** boutismo tin. Ta **Un Hende Nobo** tin den **Esun Ungi**. Ta **ún** speransa tin. Ta **ún Union** tin. Ta **ún Señor, ún Dios Tata Soberano** tin, yen di **Grasia** pa semper i semper den tur **Eternidat**.

19 Augustus 2016

Sea Bendishoná den e Amor di Yeshua Mesias

Rev. Remsly L Riley